

اسم الله الرشيد | #محاضرة | د. حازم شومان

حازم شومان

السلام عليكم ورحمة الله وبركاته الحمد لله حمدا كثيرا طيبا مباركا فيه غير مكفي ولا مكفور ولا مودع ولا مستغن عنه ربنا. الحمد لله حمدا كثيرا طيبا مباركا فيه. غير مكفي ولا مكفور ولا مودع ولا مستغن عنه ربنا - [00:00:01](#)

اللهم اطعمت وسقيت واغنيت واغنيت وهديت واجتبيت فلك الحمد على ما اعطيت. اللهم لك الحمد كله. ولك الملك كله وببيدك الخير كله اليك يرجع الامر كله. اللهم صل على عبدك ونبيك محمد صلى الله عليه وسلم. اللهم صل وسلم وزد - [00:00:23](#)

وبارك على الحبيب محمد وعلى اله وصحبه وسلم تسليما كثيرا. اما بعد اخواني واحبابي في الله نعيش باذن الله سبحانه وتعالى فجر الخميس مع اسماء الله الحسنى. مع اسماء الله الحسنى. اسماء الله الحسنى. عارفين اسم الله المحسن؟ اسم الله المحسن. يعني الله سبحانه وتعالى احسن لك في كل شيء - [00:00:43](#)

الله لم يسيء لك ابدا. سبحانه وتعالى فاسماء الله الحسنى جمع احسن. يعني احسن صفات في كل صفة من صفات الخير احسن رحمة. احسن حكمة. احسن علو احسن آآ جود احسن كرم. صفات الله - [00:01:03](#)

الحسنى نعيش مع النهاردة باذن الله سبحانه وتعالى اسم الله الرشيد اسم الله الرشيد. اسم الله الرشيد. ميين من العلماء اللي اثبت اسم الله الرشيد؟ الشيخ السعدي رحمه الله. ممن اثبتوا لله سبحانه وتعالى اسم الله الرشيد - [00:01:22](#)

الامام ابن القيم ممن اثبتوا لله في نونيته الشهيرة اسم الله آآ الرشيد الشيخ حامد العلي وده اشهر او من اشهر من صفات الله واسماء الله الحسنى على المنهج السلفي في آآ يعني العصر الحديث ممن اثبتوا لله سبحانه وتعالى اسم الله - [00:01:37](#)

رشيد وغيرهم من العلماء. اسم الله الرشيد من اسماء الله الحسنى العظيمة ان ربنا يعني ايه الرشيد؟ يعني ملهم الرشد. الذي يلهمك يعني ايه الرشد؟ انك تبقى عارف مصلحتك. انك تبقى عارف خط سيرك. عارف الانسان لما يبقى تايه آآ عارف فيه ناشئين كده يقول لك هتلاقي الطريق. يعني ايه هتلاقي الطريق واحد مش عارف - [00:01:57](#)

تروح منين؟ واحد مش عارف مراد ربنا فين واحد مش عارف السكة منين. واحد مش عارف الطريق الصح منين؟ الطريق اللي يوصله منين؟ الطريق اللي يودي له لاهدافه الطريق اللي يوصله للسعادة والنجاح وللانجاز ولان عمره ما يبقاش ضاع. ويتقهر على عمره ونفاد طاقته في الآخر. في - [00:02:17](#)

في طرق وهمية منين؟ الرشد. الرشد ده من الصفات اللي الانسان محتاجها في حياته. فيه ناس فاكدة ان العواطف الدينية والانفعالات الدينية من اجل ان انا ابقي عارف خط السير بتاعي والكلام ده مش صح يا جماعة. مش صح. انت محتاج ارشاد. من الحاجات اللي انت مفتقدها في الحياة وما تقدرش تعيش من غير - [00:02:37](#)

وما تقدرش تعيش صح من غيرها والا حياتك تضيع وطاقتك تضيع. يقول لك ترشيد استهلاك الكهرباء. ترشيد استهلاك الطاقة استهلاك الوقت يعني ايه الترشيد بتاع الاستهلاك؟ انك انا معي جزء من الطاقة اوجهها صح ازاي؟ اوظفها صح ازاي؟ يقول لك ترشيد الادارة - [00:02:57](#)

عنده رشد في ادارة الدولة. عنده رشد في ادارة الموارد. يعني ايه؟ النبي عليه عليه الصلاة والسلام. لما كان يشوف هلال يقول هلال خير رشد هلال خير ورشد يعني هلال خير يا رب الشهر ده يبقى مليون خير. ومليون رزق ومليون كرم ومليون عافية. طب يعني ايه رشد - [00:03:17](#)

يعني هلال رشدي يا رب الشهر ده ما يبقاش شهر توهان. ولا يبقى شهر حيرة ولا يبقى شهر شتات. ولا يبقى شهر حصر على اختيارات

خاطئة يا رب الشهر ده يبقى مليون خط سير على فكرة يا جماعة. اكتر حاجة مضيعاه لك عمرك مش العجز ولا الكسل ولا انك انسان كسول. اكتر حاجة مضيعة لك - [00:03:37](#)

هي الشتات. انك انت ما انتاش عارف خط سير فعلا تمشي عليه. انك انت ما انتاش عارف فعلا مراد ربنا منك ايه. ايه اللي انت بتعمله النهاردة؟ عشان كده يعني النبي عليه الصلاة والسلام علمنا ان احنا نبقى ارزاقيين في حنة الرشد دي. ارزقي عارف يعني كل شهر هلال خير ورشد - [00:03:57](#)

هلال خير ورشد يا رب ارشدني الشهر ده يا رب. انا عايز التلاتين يوم دول يا رب ولا التسعة وعشرين يوم دولت تديني فيهم خط سير. نورها لي من عندك يا رب - [00:04:15](#)

منورة ارزقي يوميا اللهم اني اسألك خير هذا اليوم. فتحه ونصره ونوره وبركته وهداه يا رب انا كل يوم انا يا رب صلح لي النهاردة يا رب. طب كل ليلة اللهم اني اسألك خير هذه الليلة فتحها ونصرها ونورها. نورها لي - [00:04:25](#)

من عندك الليلة يا رب اعمل ايه ؟ خط السير يبقى ايه ؟ قصة الرشد يا جماعة والرشاد دي من الرشد والرشاد مذكور في القرآن تسعناشر مرة. نصهم بس سورة الكهف وسورة الجن. يعني فيه اماكن كده في القرآن لو ما فهمت الرشد منها. ما انتش هتفهم الرشد ولا هتفهم الرشد. اوعى تفكر ان مجرد انك - [00:04:45](#)

نفسك تنجح. يبقى معناها انك هتبقى انسان راشد في حياتك. عشان كده يقول لك الخلفاء الراشدين. اשמعنى الخلفاء الراشدين؟ لان اكتر حكام لما حكموا الامة وصلت للمقاصد بتاعة العز والتمكين والرفعة والسناء وحفظ الديانة وسعة الارزاق والرخاء والرفاهية هم دول - [00:05:05](#)

فسموهم الخلفاء الراشدين لانه راشد معه خط سير. عرف يرشد ادارة موارد الامة. وعرف يرشد عرف ندي للامة خط سير للوصول الى الاهداف. فكانت عواقب الحكم بتاعتهم اعظم عواقب في الدين. والدنيا الخلفاء الراشدين. يعني - [00:05:25](#)

انت محتاج الرشد ازاى ؟ يقول لك ارشادات المرور. القواعد اليفط اللي انت بتلاقيها على الطريق. من غير ارشادات المرور انا هاركب عربيتي انا رايح اسكندرية يا جماعة عشان اصيف بعد اربع ساعات مش هتلاقي نفسك في الساحل الشمالي. بعدها اربع ساعات هتلاقي نفسك في اسيوط. ولا ولا ماشي في طريق اسوان ازاى ما هو من غير ارشادات مرور - [00:05:45](#)

انت مش عارف تمشي من هنا ولا تمشي من هنا. انت مش عارف السكة ايه فقعدت تبزل مجهود وبتبزل طاقة. وتطلع روحك وعينيك تطلع في المجهود وفي الاخر تلاقي كل المجهود اللي انت بزلته ضدك. وضد مصلحتك وعكس اتجاهك وضد التيار بتاعك. وتلاقي نفسك مش هتلاقيه - [00:06:06](#)

لانك ما مشيتش على ارشادات ارشادات يعني ايه ارشادات يعني انا باديك خط سير عشان طاقتك تتوزف صح. ما دام انت لك وجهة اوصل ازاى للوجهة بتاعتي ؟ الاقي الطريق بتاعها منين ؟ اهو ده - [00:06:26](#)

الله الرشيد اسم بيتعلق بحاجة انت من غيرها ما تقدرش تعيش اصلا. ما تقدرش تعيش وهي الارشاد والرشاد وانك تلاقي طب عكس الرشد ايه؟ الغي الغي والاغواء. فيما اغويتني اغويتني زي بقى لي سبعين الف سنة باعبدك. وتسيبني انتكس وتسيب - [00:06:39](#)

كل الطاقة بتاعتي دي تروح على الفاضي واتسرع تشوف ابليس بيكلم ربنا ازاى والعياذ بالله طب انا هغويهم بعيني اغويهم وهضيع لهم حياتهم هتوهم ماشيين في سكك ضلعة. هخليهم يختاروا الاختيارات الغلط. هخليهم في الاخر يتقهروا على عمرهم اللي ضاع بعد ما ضيعوا شبابهم. وضيعوا مجهودهم وضيعوا - [00:06:59](#)

طاقتهم يكتشفوا ان السكة كانت غلط. وانهم ما وصلوش للي هم عايزينه. هبدهم عمرهم وهعيشهم في شتات وحيرة. لاغوي انهم اجمعين يبقى ضد الرشد الغي ضد حسن آآ او ترشيد ادارة موارد حياتك وترشيد ادارة شبابك وترشيد ادارة - [00:07:19](#)

ادارة طاقتك هي الغي انك انت ما بيقاش لك وجهة. الرشد ان يبقى لك وجهة. وعارف خط السير اللي يوديك للوجهة دي. قضية خط السير دي قضية جبارة يا جماعة. معظم الملتزمين - [00:07:39](#)

والالتزام حياته بتضيع جوة الالتزام. ما هوش عارف مش لاقى خط سير. اعمل ايه بقى ؟ عشان كده لما كنا عملنا دستور وملتزم

الجديد واعمد الانارة السابعة هو هدف كل ده ايه خط سير - 00:07:49

ان في ناس كتير لو عرفت الصح ايه آآ بينطلق انطلق عظيم بس ايه هو الصح وايه هو خط السير وايه هو مراد الله آآ وايه هو مراد الله سبحانه وتعالى في قضية - 00:07:59

الرشد وقضية الرشد وقضية الترشيح وقضية ان انت يبقى لك مرشد فربنا سمى نفسه الرشيدي ليه؟ الرشيدي اي ملهم الرشد الرشيدي اي الذي يوجهك لمصلحتك ربنا مع مصلحتك. ربنا في اتجاه مصلحتك - 00:08:13

ما فيش حد هيدلك على مصلحتك وعلى منفعتك غير ربنا سبحانه وتعالى. عشان كده احنا عايشين دلوقتي في ايام ما فيش رشاد ما فيش شف الاولاد الوقتي ماسك الموبايل والاهالي سايبين ولادهم ماسكين الموبايل اربعة وعشرين ساعة. الموبايلات دي على التنصير. الموبايلات دي عليها اللحاد. الموبايلات دي عليها الافلام الاباحية. الموبايلات دي عليها اعلانات - 00:08:32

للاطفال اللي عندهم ست سنين وهم قاعدين يلعبوا الجينز. الموبايلات دي عليها تدمير العقائد والافكار من غير من خلال افلام الكارتون اللي انت مش واخذ بالك الموبايلات دي عليها دلوقتي الشزوز الجنسي وفعل قوم لوط والسحاق مدسوسة جوة افلام الكارتون الموبايلات فبقت دي - 00:08:52

بقي المنهج بتاع المجتمع وبتاع الاطفال دلوقتي السوشيال ميديا عموما شلت المجتمع. بقى كل واحد قاعد كده ايه كانهم الى نصب يفضون. قاعد قدام الموبايل. طب عواقب ده ايه عواقب ده كارسية. ولكن فيه ناس بتقرا العواقب من بدري ان في ذلك لايات

للمتوسلين. المتوسم اللي من الوسم من السمات كده بيعرف - 00:09:12

بيفهمها وهي طيارة. ما بيستنشاش اما المصيبة تبقى مرسومة قدام عينه بيقول يا نهار ابيض! ده طلعت وحشة بيفهمها من بدري. بيعرفها من وهي ملامحها لسة بتتشكل. انسان عنده بصيرة عنده بعد نظر. الله سبحانه وتعالى يريد انك تبقى عاقل. الله يحب العبد

العاقل زي ما زي ما بيحب - 00:09:32

يحب العبد المؤمن. عشان كده زي ما ربنا سبحانه وتعالى مدح وساعدك في ان ايمانك يزيد. الله سبحانه وتعالى ساعدك ان رشذك في الحياة دي. الحياة عايزة رشد معزم الناس يا جماعة مضيعين طاقتهم في الفاضي. لا خير في كثير من نجواهم. لأ ربنا ربنا بيصدمك

في القرآن. ربنا بيصلحك - 00:09:52

اللايف ستايل بتاعتك في القرآن. بيقول لك ان معزم حياتك في الفاضي. ولا لها اي مردود ولا لها ايمان. لا خير. ما فيش خير خالص في كثير من نجواهم. الاعداد بتاعتهم والشالية بتاعتهم والكلام بتاعهم. والمكالمات بتاعتهم والشات على السوشيال ميديا

بتاعهم - 00:10:12

معزمه كلام هري في الفاضي. الا من امر بصدقة او معروف او اصلاح بين الناس. عارف هو بيعمل ايه بقى؟ راشد بقى من يفعل ذلك ابتغاء مرضات الله فسوف نؤتيه اجرا عظيما - 00:10:32

يبقى الله سبحانه وتعالى بيطلب منك انك تبقى انسان راشد انك ما تضيعش عمرك انك ما تهدرش طاقتك. طيب انا لما باقول يا رشيد او لما باقول اللهم اني رشدي الدعاء اللي الرسول عليه الصلاة والسلام علمه للحسين الخزاعي اول ما اسلم ولما النبي قال له

بقى كم اله تعبد يا حصين؟ قال له ستة في الارض وواحد في السماء - 00:10:48

قال له فمن لرغبك ورهبك لما بتزنق بجد بقى. لما بتبقى خلاص بقى يعني نفسك في حاجة وهتموت عليها. قال الذي في السماء. ها قال فمن تعدد؟ مين بجد زهرلك؟ مين سندك؟ مين اللي انت وانت عايش كده مسنود عليه؟ قال الذي في السماء. فالنبي عليه الصلاة

والسلام ظل معه حتى - 00:11:08

وحد الله وامن بالله. فالنبي قال له بقى اعلمك كلمتين بقى. اعلمك كلمتين. هو الحصين الخزاعي داخل الاسلام. ايه اهم حاجة تتعلمها اول ما دخلت الاسلام ده اللي انا بقول لك عليه مش معنى انا دخلت الاسلام بقى عندي عواطف ايمانية بقى عندي مشاعر آآ نورانية

المشاعر بتاعتك دي مش كافية ياما مسلمين غير راشدين - 00:11:28

ياما مسلمين تايهين. ياما مسلمين مضيعين عمرهم في الفاضي. مضيع عمره وهو مش عارف اصلا خط السير بتاعه ايه. فمش قصة

ان انا دخلت الطريق الصح وجوة الطريق الصح انا عايز امشي صح. لان جوة الطريق الصح نفسه فيه متاهات كتير جدا. فالنبي عليه الصلاة والسلام قال له قل اللهم الهمني رشدي - [00:11:48](#)

واعذني من شر نفسي. وفي رواية مسند احمد اللي صحيحه شعيب الارنوط اللهم قني شر نفسي اعزم لي على ارشد امري. وفي رواية ثبت عن النبي عليه الصلاة والسلام اللهم اني استهديك لارشد - [00:12:08](#)

شادي امري عرفني يا رب اصح خط سير لحياتي ايه؟ اصح سيناريو لحياتي ايه؟ احسن طريق امشي فيه ايه؟ احسن وارشد اختيارات اختارها في حياتي ايه؟ قضية خطيرة جدا. انا لما باقول يا رشيد اللهم الهمني رشدي واعذني من شر نفسي. في رواية وقني - [00:12:28](#)

نفسى في رواية وعافني من شر نفسي. يعني في خمس روايات لقصة الرشد وطلب الرشد والتعبد. بسم الله الرشيد سبحانه وتعالى بسم الله ملهم الرشد سبحانه وتعالى. ايه اما بقول يا رشيد انا بطلب من ربنا ايه؟ ايه الحاجات اللي بطلبها؟ يعني لما بقولها الهندي رشدي انا بطلب - [00:12:48](#)

ربنا سبحانه وتعالى ايه؟ الحاجة الاولانية يا جماعة الهداية العلماء قسموها لنوعين. هداية الارشاد هداية الدلالة هداية الارشاد وهداية التوفيق. يبقى الهداية نوعين. الرشد والتوفيق. قال لأ هو الهداية دي يعني يعني هو - [00:13:08](#)

يعني الله الهادي آآ في حاجة اسمها آآ رشدي في حاجة اسمها توفيق في حاجة اسمها السداد هو ايه الفرق؟ هي كل دي هداية كل دي انواع من انواع الهداية. ايه الفرق - [00:13:28](#)

هو هداية خط السير. هداية العلم. هداية المعرفة الصحيحة. هداية ان انا ابقى عارف ايه الصح اللي يتعملوا يقول لك اعمل الصح. طب وهي الصح الصح ده غش بقى. ان انا ابقى عارف هو الصح ده الرشد. ان انا الاقي الطريق ده الرشد. اومال التوفيق؟ التوفيق ان تكون اعمالى وفق مراد الله - [00:13:38](#)

يبقى التوفيق ان انا اعمل الرشد. يبقى يبقى هداية الرشد هي هداية المعرفة ان انا ابقى عارف الصح. هداية التوفيق هي تنفيذ المعرفة. ان انا اعمل ده. عشان كده عكس الرشد الايه؟ الغي. مش عارف الطريق. يقول لك ده فلان ده - [00:13:58](#)

اي حد ياخده من ايده يوديه في اي سكة. ما لوش سكة اصلا ما لوش وجهة. مش عارف وجهته. فهو ما هوش عارف يقول اه لايه ولا قال ايه. اي حاجة بتعجبه دينه هو - [00:14:17](#)

زي ما كلمتكم على الاطفال والسوشيال ميديا والمجتمع دلوقتي دينوا المتعة مش دين والمصلحة. المصلحة بالمفهوم الشرعي طبعا مصلحة الدنيا والاخرة. ومصلحته ومصلحة كل مسلم دينه متعة مش المصلحة مش فاهم مصلحته يا عيني - [00:14:27](#)

قعدت اشوف كده يعني ماشي امبارح لقيت ولد كده سنه مسلا سائة ابتدائي ولا حاجة آآ حاطط السماعات في ودانه ان شاء الله نحسن الزن انه بيسمع قرآن يعني. ها - [00:14:40](#)

او بيسمع حاجة حلال وماشي وبيجري في الشارع كده عجبت له. ايه الواد الراشد من وهو صغير ده؟ اه عارف مصلحته من وهو صغير ما هو اللي بيلعب ده واحد عارف مصلحته. واحد فاهم مصلحته. فبيحافظ على صحته. لما تعرف ان في امريكا الوقتي اللي في سن اعدادي بيختاروا تخصصهم في الحياة. ناس راشدة - [00:14:50](#)

في الاختيارات الدنيا عارف مصلحته ان انا لازم ابدأ من بدري لما باشوف حد عارف مصلحته من وهو صغير. آآ ملتزم من اول ما التزم بدأ يطلب علم. بدأ يحفز - [00:15:10](#)

القرآن عارف مصلحته انسان راشد. انسان راشد انسان عارف مصلحته. اما الاقي ولد في سانوي او في اخر اعدادي او في اعدادي وهو بيشغل. وبيكسب فلوس او انت عارف مصلحته. ده لما الاقي واحد عنده وعي مبكر بالدنيا. ما يستناش اما يتخرج اما اروح اشتغل ايه بقى! يا ابني ايه التخلف ده! يا ابني ما عدش في المجتمع! اللي احنا عايشين فيه - [00:15:20](#)

استغفر الله العزيم هذا الغباء وهذا التأخر في التعامل مع الدنيا. مفروض من وانت في سانوي وبتشتغل وبتتعلم تجيب قرش ازاي. ده فيه سورة في القرآن اسمها سورة قريش قريش من القرش. القرش ده عارف اللي هو بيعرف يجيب القرش على القرش لحد ما يبقى

عنده فلوس وعنده سرورة وعنده يعني الانسان اللي بيعرف يتاجر - 00:15:40

تتحرك في الدنيا ده. الله مدح في القرآن رحلة الشتاء والصيف. الناس اللي بتتحرك وبتسافر شمال وبتسافر جنوب عشان تشوف مصلحة حيطة والناس دي ربنا اصطفاها من العرب كلهم. ونزل فيهم سيدنا محمد لان اللي فاهم مصلحته ده لما هاجي اكلمه عن

المصلحة بالمفهوم الشرعي ده اللي هيفهمني. لانه انسان - 00:16:00

فاهم مصلحته وبيتحرك عشان مصلحته. ارفع قيمتك في الحياة وارفع كفاءتك في الحياة هو ده الرشد. يبقى اذا الرشد ان انا ابقي عارف خط السير. التوفيق عكس الخزلان بقي. عكس الخزلان ان انا زي توافق الاعضاء كده. انك انت يبقى اعمالك وفق مراد الله.

بالزبط نسخة بصرة. يبقى التوفيق ان - 00:16:20

افعل مراد الله. امال الحكمة؟ الحكمة الفرامل ان اتحكم في نفسي. ان مش نفسيتي اللي سايقاني. انا اللي بضرب فرامل وقت ما احب. مش اول ما اشوف واحدة حلوة مش اول ما اشوف آآ آآ مقطع حلو على السوشيال ميديا. مش اول ما ادخل على الفيس الاقي

ساعتين راحوا مني وانا مش عارف راحوا فين. ما فيش فرامل - 00:16:40

ما فيش فرامل ما بتفوقش غير بالخط. عارف العربية اللي ما بتقفش غير لما تتخبط! اهو ده البني ادم اللي ما عندوش حكمة. اما

يتخبط يروح منه ساعتين تلاتة على الفيس من غير لزمة - 00:17:00

او في الاخر وقع في معصية اللي انا عملته في نفسي ده بيفوق لما يتخبط بس. بيقف لما يتخبط. انما ما عندوش فرامل. انا مش

هاقعد غير عشر دقائق. انا داخل اشوف مصلحتي وخارج - 00:17:10

تاني. انا داخل ابחס عن النقطة الفلانية وخارج تاني. فيه فالحكمة ان يبقى حكمت نفسيك لجام نفسيك في ايدك. هي القدرة على

التحكم في النفس. عشان كده الله سبحانه وتعالى في سورة البقرة لما قال يا ايها الذين امنوا انفقوا من طيبات ايه - 00:17:20

ما كسبتم ومما اخرجنا لكم من الارض ولا تيمموا الخبيث منه تنفقون. فقال بعدها يؤتي الحكمة من يشاء. هو ايه ايه اللي يخليني لما انفق ربنا يديني الحكمة الحكمة هي القدرة على التحكم في النفس. فانت لما تتحكم في نفسك وتفرمل جموح نفسك في حب المال.

وتطلع فلوس الله يديك بقى القدرة على التحكم في باقي حياتك - 00:17:35

قدرة على التحكم في وقتك وصحياك ونومك. وانفعالاتك تبقى انسان حكيم بقى ما بتبقاش اهوج. مش لما تغضب تخربها مش لما تحب تتعمي مش لما تشتاق لحاجة خلاص بقيت مشلول عايزها يا اما ما انتاش عايش. مش لما تكره تبقى بني ادم حقودي وحاسودي

- 00:17:55

عندك حكمة في انفعالاتك في قادر تتحكم في نفسك. قادر تتحكم في نفسيك. يبقى ديت ايه الحكمة؟ السداد بقى اللي هي الكفاءة والفاعلية ده بقى انسان عنده فاعلية اه فعال وبيشتغل وفي نفس الوقت عنده كفاءة في الفعل بتاعته. فدي انواع الهداية المختلفة.

الهداية اللي احنا بنتكلم عنها ايه؟ العلماء بقى - 00:18:16

اعظم نوعين من انواع الهداية. هداية الارشاد ان ربنا يوريك خط سيرك. وهداية التوفيق ان ربنا يوفقك انك تعمله. اسم الله رشيد

يتعلق بهداية الارشاد. يبقى اول حاجة ربنا بيديها لي الجائزة العظمى بقى. ها لما باقول يا رشيد او لما باقول اللهم الهمني رشدي

هداية الابن - 00:18:36

ان ربنا بينورها لك بقى. ان ربنا بيديك خط السير. انك هتلاقي الطريق ان ربنا هيعرفك مراده منك ايه. سبحانه وتعالى عارف ايه خط

السير السليم بتاعك؟ العطاء الثاني لما بتقول اللهم الهمني رشدي او بتتعبد لله باسمه الرشيد او عطاء الرشد - 00:18:56

تاني ان يصبح الله مرشدك في الحياة. مرشدك في الحياة. ان ربنا يبقى هو مرشدك في الحياة. عارف يقول لك المرشد الاعلى لمش

عارف ايه. المرشد السياحي. يعني ايه المرشد - 00:19:16

السياحي. يعني انا انزل مناطق اثار فيه سبع تلاف حاجة. انا ما عنديش غير ثلاث ساعات. بيحي واحد عارف كل حاجة بيعرفني في

الثلاث ساعات. هيوديني على عشرين حاجة بالدقيقة وفي كل حاجة هيكلمني دقيقتين هيجيب لي خلاصة خلاصتها. ده المرشد

بيوفر لك عمرك. من غير اسم الله الرشيد - 00:19:26

انت عمرك ضايع. من غير اسم الله الرشيد. انت تسعين في المية من عمرك ضايع في الشتات وتسعين في المية من اختياراتك متوقفة لانك محتار. ما انتاش عارف تختار. وتسعين في المية من عواقب امورك في الاخر حسرة. حسرة محصورة - [00:19:46](#)

مقهور يا عيني انك اخترت غلط بس في نهاية عمرك بقى. بعد ما راحت وبعد ما باظت. عشان كده من عطاءات اسم الله الرشيد ان اتخذ الاختيار السليم او القرار السليم في الابيه؟ في الوقت السليم. لان في ناس بتتخذ القرار الصح بس في الوقت الغلط. فيبقى ما لوش اي لازمة - [00:20:03](#)

ما لوش واحد فاق لمصلحته. واحد فاق للاهتمام بصحته. بعد ما بقى عنده خمسة واربعين سنة وكبده ومليان عشرين كيلو دهن جاسمين عليه ومفاصله بازت خلاص قعد يهد في صحته طول عمره. خلاص يا عم فوق ما فيش مشكلة بس غير اللي فاق وعنده عشرين سنة. غير اللي فاق واحد بدأ يفوق لمصلحته ويفوق لشغله - [00:20:23](#)

من وهو عنده خمستاشر سنة غير واحد ثاني صايع مع اصحابه. اصل اصحابي فاتوا علي. اصل اصحابي رايجين يتفسحوا النهاردة. يا ابني فوق بقى. يا ابني فوق لمصلحتك لمذاكرتك. فوق انك تصاحب الناس اللي بتشدك في الدنيا والدين. فوق لانك انت تعرف تصاحب مين ومين اللي هيفيدك في طريق دنيتك ودينك. فوق يا ابني لشغلك - [00:20:43](#)

فق يا ابني لبر امك وابوك. فق يا ابني لاخرتك. فق يا ابني لو انت مت دلوقتي هتقابل ربنا. يا ابني فق لمصلحتك بدل التوهان اللي انت عايش لي فيه ده. بدل الغي اللي انت عايش فيه ده - [00:21:03](#)

ها بدل الاغواء والغواية اللي انت عايش لي فيها دي. ارشد يا ابني. فان انستم وابتلوا البيتامي. في اول صفحة في سورة النساء. حتى اذا بلغوا النكاح فان انستم منهم ايه؟ رشدًا يعني ايه انستم منهم رشدًا؟ اه لما تدي له النص مليون جنيه وارسه في ايده كده هيبقى - [00:21:13](#)

فيه هيبقى غاوي هيقعد يصرفهم ويبعترهم يمين وشمال ولا انسان عنده خط سير وترشيد للاستهلاك والانايق هيمسك الفلوس ويقول لك انا هعمل مشروع بخمسين الف وهعين مسلا هتاجر بميت الف وهاعين الباقي وهتجوز بخمسين الف انسان راشد راشد في استهلاك - [00:21:33](#)

عارف يصرف ايه فان انستم منهم رشد بقى اختبروا كده ادي له سبعميت جنيه في ايده. شف هينزل يجيب له كوتشينين ويتفسح مع اصحابه ولا هيبداً يتعامل معهم بعد شف ادي له مرة ثلاث تلاف جنيه في ايديه قبل ما تدي له المليون جنيه الابوسة بهم له. ادي له مرة ثلاث اربع تلاف جنيه وشف هيعمل فيهم ايه؟ يقول له دي عديتك - [00:21:53](#)

ولا خدهم يا ابني واعمل اللي انت عايزه. وشف هيعمل فيهم ايه. فان انستم منهم رشد فادفعوا اليهم اموالهم. ده انسان يؤتمن على المال بقى. فادفعوا اليهم اموالهم فاذا دفعتم اليهم اموالهم فاشهدوا عليهم وكفى بالله حسيبًا. يبقى - [00:22:13](#)

العتاء الثاني في الرشد ان ان يكون الله مرشدك في الحياة. زي ما قلت لك انت رايح اسكندرية ما تلاقيش نفسك وصلت لاسوان. لانك انت ما عندكش ارشادات مرور. هلال خير ورشد. هلال خير ورشد. انك انت يبقى عندك خط سير شهر شهر يوم بيوم. ليلة - [00:22:30](#)

ليلة يبقى ده النوع الثاني او العطاء الثاني من عطاءات اسم الله الرشيد. ان يكون الله ان يكون حياء. العطاء الثالث هو الرشد ان يكون الله مرشدك في الحياة اللي هو الرشد في التصرفات - [00:22:50](#)

فان انستم منهم رشدًا، يبقى عندك رشد في التصرف. عندك قدرة على التصرف السليم في الامور، وفي المواقف المختلفة. العطاء الثالث هو آآ الرشد في الاختيارات. المفارق بقى. انت حياتك مليانة مفارق كتير جدا. اروح من هنا ولا اروح من هنا؟ انا عايز اختار صح - [00:23:06](#)

رشدي في الاختيارات انت امال ربنا شرع صلاة الاستخارة ليه؟ لانك انت قدامك اختيارات كتير والاختيار ده انت بتدفع تمنه الجوازة اللي انت بتختارها غالبا خلاص انت هتفضل بقى فيها طول عمرك. لو نجحت آآ نجحت فشلت والعياذ بالله بتبقى بقى مآسي فيه اختيارات لو غلط انت هتدفع تمنها - [00:23:26](#)

فلوس كثير وفيه اختيارات لو غلط انت هتدفع تمنها سنين من عمرك. وفيه اختيارات لو غلط انت هتدفع تمنها عمرك كله. وفيه اختيارات لو غلط انت هتدفع تمنها مصيرك كله. عشان كده في رحلة المعراج جبريل جاب لي النبي عليه الصلاة والسلام خمر ولبن. فالنبي لما اختار اللبن قال له لو اخترت الخمر لغوت امتك من بعدك. يبقى فيه اختيار - [00:23:46](#)

انت هتدمر الدنيا لو اخترتها. يبقى قضية الاختيار دي قضية خطيرة جدا. انا عايز اختار صح. انا عايز اختياراتي في المفارق بتاعة حياتي ساعة ما اختار الشغل اللي اشتغله. ساعة ما اختار - [00:24:06](#)

مكان سكني ساعة ما اختار اللي اتجوزها. ساعة ما اختار المدرسة اللي ادخل اولادي فيها. ساعة ما اختار الشيخ اللي اروح اطلب عليه علم. ساعة ما اختار المحفظ اللي احفز عنده قرآن - [00:24:16](#)

زاعة ساعة ما اختار صاحبي اللي انا هاعيش معه وهيقرب مني ساعة ما الرشد في الاختيارات الجريمة اللي آآ يعني الوقتي يعني تابعت فيها احداث كتير لانها شددت بصراحة البنت الممرضة بتاعة العيادة اللي راحت صاحبة واحدة من على الفيس ودخلتها معه - [00:24:26](#)

ورايحة وجاية وبعد كده البنت الثانية ديت مصاحبة شابين وابو رايعين العيادة اكلينها وسارقين منها وطبعا في ناس والعياز بالله في ناس غبية. يعني طب انتم داخلين تقتلوا واحدة. الكاميرات جابتهم في خلال ساعات انتقبض عليهم. هياخدوا اعدام بازن الله سبحانه وتعالى. انتم عملتم ايه - [00:24:46](#)

يعني في ناس مجانيين في حياتها زي الاربعة اللي راحوا قتلوا تاجر ذهب وسرقوا الذهب من المحل. ثلاث ساعات وكان مقبوض عليهم. وخدوا اعدام هم الاربعة. عملت ايه في ناس مجانيين في ادارة حياتها - [00:25:05](#)

فيه ناس بتضيع عمرها. اهو ده الرشد بقى. انك انت تبقى عارف انك يعني فيه حرامي راشد يعني حتى يا اخي لو انت بتعمل حاجة شر في حد يا اخي في واحد حتى تحس انه احمق حتى وهو بيعمل الشر. هو مش مش طب انت بتعمل ايه - [00:25:18](#)

فسبحان الله العزيز ففي الرشد في اختيارات الحياة. دي واحدة جابت واحدة من على الفيس وقامت مدخلاها حياتها. انت عارفة دي مين؟ انت عارفة اصلها مين؟ يعني صاحب صاحبك بعقلك - [00:25:35](#)

واختار صاحبك بعقلك وعش معه بقلبك. يبقى الرشد في الاختيارات. الحاجة الرابعة الرشد في الطريق. يعني ايه الطريق؟ انك تفلح الارض اللي انك انت تقف على المكنة اللي بتطلع قماش. انك تفلح في الارض لا تطلع خير. انك تمشي في الطرق اللي نهايتها فلاح ونهايتها سمرة ونهايتها سعادة - [00:25:45](#)

انك ما تضيعش عمرك في ارض بور. انك ما تضيعش عمرك في سكك ضلعة. انك ما تمشيش في سكك غلط ارجع تندم اخر عمرك. يبقى الرشد انك تختار الطريق يا من ضمن معاني الرشد. هو خطوط السير التي تؤدي الى العواقب الحميدة. انما - [00:26:05](#)

نوصل للمصلحة في الآخر. انما اوصل للمنفعة في الآخر. ففي طرق اخرها وهم. في طرق عارف انت اللي قابل واحد مش ملتزم. فقال له خد بالك بس الطريق اللي فيه ده احنا مشينا فيه قبل كده قبل كده. وما فيش اخره حاجة. انت ماشي في سكة ما فيش اخرها حاجة. اصلا انت ماشي في سكة وهم يعدهم ويمنيهم. انما في واحد - [00:26:25](#)

ماشي في سكة نهايتها هيفرح. وهيزعل واحد بيصبر على طلب العلم في الآخر هيزغرط. في الآخر واحد ماشي في طريق حفز القرآن في الآخرة لما يلاقي نفسه الله اكبر وبيخبط له ثلاث تجزاء كده وهو واقف مكانه هيفرح واحد بيزاكر وبيجتهد عشان ياخذ له دكتوراه - [00:26:45](#)

اه ولا ياخذ له شهادة عالمية في الآخر الله سبحانه وتعالى يفتح له ابواب رزق رهيبة بسببها. يبقى انك تمشي في الطرق اللي بتجيب. الطرق اللي بتؤدي الى العواقب الحميدة. المعنى الخامس او العطاء الخامس من عطاءات اسم الله. آآ الرشيد سبحانه وتعالى. الرشد في القرارات - [00:27:05](#)

مش الرشد في الاختيارات الرشد في القرارات يا ابني زي ما بيقولوا كده المجد قرار. انت انت اللي بتقرر حياتك يبقى شكلها ايه؟ بازن الله ربنا اداك ده القرار الحياة. انت هتفضل مشلول لو ما عندكش قدرة على اتخاذ القرار. عشان كده في علم النفس -

في علم النفس يقول لك ان اكبر جريمة اكبر جريمة انك تأخذ قرارات لحد. يعني ان انا اجيبك كده آآ اجيب ابني واقول له يا ابني انت لازم تدخل كذا ولازم تنور له يقول لك نور له الطريق وسيبه هو اللي ياخذ القرار. ما تعطلش جواه مركز اتخاذا القرار في المخ -

سيبه هو اللي ياخذ قرار. علمه انه لازم ياخذ قرار. لان لو انت مت هيعمل ايه. مش هتقدر تعيش من غير ما تأخذ ميت قرار يوميا.

انت حياتك مشلولة مش بسبب ان انت ما - 00:28:02

آآ امكانياتك ضعيفة ولا ان ابوك على قد حاله ولا انك انت ما طلعتش ابن وزير ولا انك انت آآ ما عكش فلوس ولا انك انت انت حياتك لولا والنهارده زي امبارح وبكرة زي النهارده وبعد بكرة زي اول امبارح لانك انسان ما بتتخزش قرارات. لو خدت قرار انك هتشتغل

النهاردة - 00:28:12

لو خدت قرار انك انت هتروح تتقدم لواحدة تخطبها لو خدت قرار انك انت هتدرس كذا. لو خدت قرار انك هتطلب علم كذا لو خدت

قرار انت اللي بتغير حياتك بقراراتك. يبقى - 00:28:32

ان تتخذ قرارات حياتك هتتغير ملامحها. ما بتتخزش قرارات حياتك هتفضل زي ما هي قاعد مستني بقى ايه آآ اي بقى موجه حزر تقوم رمياك بقى على شواطى السعادة اقعد احلم بقى. اقعد قضيتها افكار واحلام وخواطر. يبقى الرشد في القرارات. انك تأخذ

قرارات - 00:28:42

ربنا يغير لك بها حياتك من ضمن عطاءات اسم الله الرشيد ان ربنا يلهمك افكار السعادة وافكار النجاح يعني ايه يعني لما بتقول اللهم الهمني رشدي ان ربنا يدريك افكار السعادة وافكار النجاح عنيا. في علم النفس يقول لك المرض النفسي فكرة. هي فكرة وسيطرت

عليك. يعني اللي عنده - 00:29:02

فويا مسلا من الاماكن الضلمة. او من انه يبقى لوحده وهو عنده فكرة ان مش عارف مين هيطلع لي! لأ ده مين يمسنني! لأ ده مين

اعمل لي يقول لك المرض النفسي فكرة وعلاجه فكرة - 00:29:23

علاج وفكرة المرض النفسي فكرة ولا يقول لك لو اتنين ركبوا الطائرة ومسافرين. فواحد منهم جا له حالة فزع من رعب من الطائرة والتاني فرحان وطاير واللاتنين جنب بعض. فرحان انا مسافر وهيشوف ناس جديدة وهتفسح وهشوف. قال لك نفس الهرمونات اللي

اتفرزت في جسم ده - 00:29:38

هي نفس الهرمونات اللي اتفرزت في جسمنا. الله! امال ده مرعوب وده فرحان ليه؟ قال لك الفرق هو ده اقرا الفكرة ازاى وده اقرا

الفكرة ازاى؟ اللاتنين نفس الهرمونات بس ده تروس دماغه مش في الناحية دي وده تروس دماغه مش في الناحية العكسية. انما

هي نفس الهرمونات يعني عايز اقول لك ايه؟ يعني المرض النفسي مش هرمونات - 00:29:58

وانزيمات ومواد المرض النفسي هو قراءة دماغك فكرة غلط لوضع غلط دماغك قرت الموقف غلط. طب انا الوقتي عايز اصلح

المرض النفسي؟ الفكرة الغلط يبقى قصاها فكرة صح. يبقى يبقى لما بقول اللهم الهمني رشدي ان ربنا - 00:30:18

تلهمك افكار السعادة. افكار السعادة انك انت ربنا يدريك الافكار اللي تخليك عايش سعيد. ومنطلق ومش خايف من حاجة ومش خايب

حاجة. ان ربنا يلهمك افكار النجاح ربنا يلهمك مصلحتك. ربنا يملئ قلبك فهم لمصلحتك فين. تبقى واحد شغال في احرص على ما

ينفعك. ان ربنا يلهمك افكار - 00:30:36

القوة والحماس. عارفين بعض العلماء اللي اثبتوا لله اسم الله الباعث. يعني ايه الباعث؟ فيه بواعث. ممكن دافع واحد دلوقتي يبجي

في صدرك فكرة واحدة كده عن الآخرة عن اول ليلة في القبر عن رضا الله عن نظر الله. فكرة واحدة تخليك تقعد لحد الضهر تستغفر.

تخليك النهاردة طول اليوم قعدت تقرا قرآن وتحفظ قرآن. ايه اللي حصل - 00:30:56

ربنا رزقك بس فكرة حلوة. فكرة رشد كده. باعث معنوي ربنا اداه لك. فكرة واحدة ربنا غير لك حياتك بها يبقى اذا ان يلهمك الله افكار

الرشد وان يلهمك الله سبحانه وتعالى آآ بواعث الرشد وان يلهمك الله افكار القوة - 00:31:16

ونروح المعنوية في الحياة وان آآ يلهمك الله سبحانه وتعالى الطريق الصح. آآ طبعا آآ اسم الله الرشيد معانيه واسعة. وافكاره كثيرة.

آآ ممكن نكمل بعد كده وممكن ان شاء الله بازن الله كل فجر خميس ناخذ اسم من اسماء الله - [00:31:35](#)

آآ ثاني بازن الله سبحانه وتعالى لسة عايزين نتكلم عن اسم الله المحسن. ان شاء الله بازن الله عايزين ان شاء الله نتكلم عن اسم الله الجميل. عايزين نتكلم ان شاء الله عن اسم الله الرفيق. عايزين نتكلم بازن - [00:31:51](#)

اللعن اسم الله الكبير. عايزين نتكلم عن يعني في اسماء كثير من اسماء ربنا هتغير حياتنا. وهتفرق في حياتنا كتير اوي. النهاردة كنا مع بعض ملامح عامة كده في اسم الله الرشيد ويعني ايه اللهم الهمني رشدي واعذني من شر نفسي ايه الهمني رشدي واحتياجك لدلالة الارشاد وازاي ان ربنا يبقى المرشد - [00:32:01](#)

بتاعك في حياتك وازاي ان ربنا يخليك انسان راشد زي الخلفاء الراشدين كده وازاي انك انت يبقى حياتك كلها فيها خط سير وتلاقي الطريق الصح وتلاقي الطريق المظبوط وفي معاني تانية في الرشد لم نتكلم فيها الله اعلم بقى نكمل ولا ننقل على معنى ثاني بعد كده. ان شاء الله احنا في دورة عن اسماء الله الحسنى. الدورة مدتها - [00:32:21](#)

اربع مرات بازن الله سبحانه وتعالى نقف فيها مع اربع اسماء من اسماء الله بازن الله. آآ المطلوب ان آآ ان انت تركز في معاني الدورة ممكن بقى يبقى التسجيل بتاع الدرس مسلا آآ ينزل وتسمعوا فيه لان هيبقى فيه امتحان في الدورة في النهاية. ان شاء الله بازن الله آآ ما فيش - [00:32:41](#)

ما فيش جوايز الدورة مش قصة جوايز. الدورة دي معموله لطلاب التربية. للي عايز يتربى. للي عايز يوصل لربنا سبحانه وتعالى مش للي عايز جايزة. فيعني يعني عشان كده انا قلت لأ الدورة دي لطلبة التربية. للي عايز يتربى وعايز يترقى في الدين وفاهم مصلحته. راشد بقى في فهم الاسماء الحسنى هتوصله في طريق ربنا - [00:33:01](#)

قد ايه ان شاء الله بازن الله آآ يعني بعد نهاية هذا الدرس آآ آآ مش عايز حد يعني عايز الناس تبقى راشدة مش عايز حد يبجي انا جاي اتصور معك يا شيخ - [00:33:21](#)

ما فيش تصوير في المسجد هنا. آآ انا ما بحبش الناس اللي مش راشدة يا جماعة. يعني انت الوقتي كده آآ تيجي مسلا انا عايز احس ان انا بتعامل مع ناس عاقلة. وناس كبيرة وناس - [00:33:31](#)

وناس فاهمة مصلحتها. مش جاي بيت ربنا يسمع عن اسماء ربنا. ووسط بيئة الايمان ووسط مصالحة وفرصة من فرص عمره لوصوله الى الله في هذا الجو الصالح والبيئة الصالحة. وفي الاخر كل قضيته ان هو خارج يعني ايه عايزين نبقي ناس راشدين - [00:33:41](#) الحقيقة يا اخواني ان شاء الله الوقتي هنعمل آآ ورشتين ورشة مع آآ باشمهندس سعد علي. ان شاء الله بازن الله. وورشة مع آآ يعني الشيخ وليد ابو سفيان هيبقى معنا بقى اخوانا بقى والصحة الصالحة بتاعتنا بقى. ان شاء الله آآ اخوانا ابو عمر واخوانا يعني اللي في المسجد الشيخ محمد سمير ان شاء الله بازن الله - [00:34:01](#)

نعمل ورشتين دلوقتى انا عايز كل واحد جه بقى يقعد في ورشة من الورشتين دول ايه الورشة ديت ؟ الورشة دي زي ما باقول لك كده الدرس ده هدفه التربية. هدفه - [00:34:21](#)

الايماني هدفه انك تلاقي صحة صالحة. هدفه انك ما تعيش لوحدة تايه. ما هو ده من ضمن الرشد واعتصموا بحبل الله. ما ده من ارشادات ربنا لك في القرآن المفسرين قالوا حبل الله اي الجماعة اي يعني الصحة الصالحة. انك انت تبقى متمسك في الصحة الصالحة عشان تلاقي الطريق الورش دي - [00:34:31](#)

آآ يعني تتكلموا فيها مع بعض بازن الله سبحانه وتعالى. ويبقى الكلام ازاى تتعرفوا على بعض ؟ ازاى يبقى فيه صحة في حياتك ؟ ازاى بازن الله سبحانه وتعالى تسمع كلام في معاني الطريق الى الله. والتربية حاجة كده تلت ساعة ولكن هتفرق في حياتك كتير جدا بازن الله سبحانه وتعالى. اول ما اخلص دعاء - [00:34:51](#)

بقى باشمهندس سعد حضرتك فين ان شاء الله قاعد هنا باشمهندس سعد قاعد في المكان اهو ان شاء الله بازن الله وابو سفيان اهوت قدامي ان شاء الله بازن الله مش عايز حد في المسجد - [00:35:11](#)

بعد ما خلص يا اما يبقى قاعد مع الباشمهندس سعد يا اما يبقى قاعد مع ابو سفيان. كنت زمان اقول لاخواني زمان. كنت اقول لهم انا عارف مين اللي له مستقبل في الدين. من مين اللي ما لوش - [00:35:21](#)

فيقولوا لي ازاى يعني بتعلم الغيب ولا ايه ؟ اقول لهم لأ اللي اول ما دخل داخل على الشيخ وانا عايز اقول له ده ما لوش مستقبل ليه لانك انت هتلاقي يعني يعني انا ضاع مني ثلاث اربع سنين اول التزامي ليه؟ لاني كنت مصمم ان انا يبقى اتصالي ليل نهار بالشيخ محمد يعقوب وانا كنت لسه - [00:35:31](#)

طالب في الكلية كنت في سنة خامسة. مصمم ان الشيخ يعقوب يبقى معه ليل نهار. طب يا ابني ما يعني ما هو مشغول وحياته مليانة اعمال. ومليانة اعمال في الدعوة - [00:35:51](#)

مليانة زل الناس ومليانة يعني فيه ناس تانية عندها خطوط سير وعندها مربين وطلبة علم وهيفيدوك افادات جمعة وفي نفس الوقت تلاقي الشيخ في حياتك وهتلاقي كل مكونات بقية الايمان في حياتك. افهم مصلحتك فين. خليك راشد. احيانا التعلق فضيعة على نفسي فرص - [00:36:01](#)

كثير وناس كانت فرص عظيمة لطلب العلم وللوصول لربنا في طرق كثير لان انا متعلق نفسيًا. فالقصة مش قصة مشاعر. القصة قصة خط سليم اه اه حقيقي فكنت اقول لك انا عارف اللي داخل درس وله مستقبل في الدين ده اللي بيتعرف على اخوانه بيرتبط باخوانه - [00:36:21](#)

بيشوف الاكبر منه ويرتبط بهم يبدأ يعرف اذا كان حفز القرآن سكاك طلب العلم ليه ؟ ده الراشد الثاني يا عيني هو داخل يستمتع. هو داخل يسمع كلمتين حلوتين وبعد كده يروح يصلي ركعتين حلوتين. هو داخل عايشها مشاعر. مش عايشها خط سير - [00:36:41](#)
ففي الآخر خلاص الحياة مليانة شواغل. هيجي اي انشغال هيجرفه من على خط السير السليم ومن على طريق الرشد والسداد. ان شاء الله بازن الله اول ما اتم الدعاء يبقى يا اما انت قاعد مع باشمهندس سعد يا اما انت قاعد مع الشيخ ابو سفيان هنا بازن الله. اللهم الهما رشدنا. واعذنا من شر انفسنا. الله - [00:36:59](#)

اللهم انا نستهديك لارشد امرنا ونعوذ بك من شر انفسنا. اللهم قنا شر انفسنا واعزم لنا على ارشد امرنا اللهم الهما رشدنا واعذنا من شر انفسنا. اللهم اغفر لنا ذنوبنا وخطايانا كلها. اللهم ان عشنا واجبرنا - [00:37:19](#)
واهدنا لصالح الاعمال والاخلاق. اللهم ات نفوسنا تقواها وزكها انت خير من زكاها. انت وليها مولها يا حي يا قيوم برحمتك نستغيث. اصلح لنا شأننا كله ولا تكلنا الى انفسنا - [00:37:39](#)

طرفة عين. اللهم انا نعوذ بك من قلب لا يخشع. ومن نفس لا تشبع. اللهم انا نعوذ بك من الهم والحزن. ونعوذ بك من العجز والكسل ونعوذ بك من الجبن والبخل ونعوذ بك من غلبة الدين وقهر الرجال. سبحانه اللهم وبحمدك. اشهد ان لا اله - [00:37:59](#)
لانت استغفرك واتوب اليك. فتح الله عليكم يا اخوان - [00:38:19](#)